

BOBST LIBRARY



3 1142 01257 2684



GENERAL UNIVERSITY  
LIBRARY

---

DATE DUE

---

---

-----

-----

-----

5

front

5

B



جلنا

المأونات الرحم قطع للشاعر:

شعر ١٩

شعر دولاب



ماجد سینه

Tarrād Mishāl

سینه و طرد

Juttanār

جلد نادر

N.Y.U. LIBRARIES

منشورات الرابطة الفقهية

PJ  
7864  
R3  
J85  
1957  
C. 2

~~PJ  
7864  
R3  
J5  
C. 2~~

Near East

~~PJ  
7864  
A46  
J5  
C-1~~

اول طبعا

تشرين الاول سنة ١٩٥١

حقوق الطبع محفوظة للألف

قصّنا بحمد

بقام سعيد عقل

البريد

البريد

كان كل شي بالطبيعا عميود بنجمي جديدي .  
الارض اللبناني، بعد نومة ميات السنين،  
كانت رجعت تتمدن . الصخر ما عاد يقبل يطيلع  
بس سبل . صار يوسع مطرح للزهور . الزهور  
الوراهن ايد . شي عميقصد الجمال قصد . كان  
رجع بصير في قصور ع الشط . مش بس للسكن .  
قصور ترضي العين . كانت الليالي زاتها ما عاد  
تنقسم ع العود لأتوهيك العادي . كانت بلشت  
نسيهر وتوجع ، تحكي للحاوي، توشوشا : راح  
ارجع افرش لحبيبك وتحت اجر يكي ضو القمر .  
ما يعرف ، ما يعرف انا كنت متأكد لآنو  
راح يخلق ميشال طراد .

التصوير كان من خمسين سني بلش لعبتو .  
داوود القرم مش شي عادي . والفلسفي ما كان

بقا إلا تطلّ . ومثل ما اليوم نخنا بلهفي وعينين  
مجرّ وحا ناظرين تبليشة العلم ، ما كدّ واحد مثل  
فؤاد البستاني، عندو لفتي شاملي ع تاريخ الفكر،  
ولا نوع قدّه المعرفي بيقدر بحب، ما كان  
مستغرب انو يحسب للنجوم الطالعا .

شعر لبنان بعد ١٩٣٠ قفزي ، قليل ما  
نهرت بتلها نهضا . محصولها بكميتو مش كثير،  
بس بجودتو يمكن يكون عميضارب ع لعبي كبير،  
تطفّ ع حدودنا وع حدود الابيض المتوسط .

\*\*\*

قصايد ميشال طراد مش ثاني به الشعر .  
نفلكشتها بصييعك فيك تقرا قصة الجمال بالشرق ،  
وكيف نكتبت ، وهاك الجرا المن قلب صخر  
ودهر او من قلب بكر مشعشع مجلم ساحر .  
ميشال طراد ما عاش حياتو . ميشال طراد  
حيي حياتو . حبّ؟ جلدتو اللزي؟ نحرّم زنود  
بيتو وهو طفل؟ من شالها لبستو امو ورافقت  
مشيتو بضربات قلبا؟ هادا، مع ما في من غنا  
ومجال للقول الحلو، هادا كلتو تنوي . الاسامي  
انو ميشال طراد حيي ماساة العقل .

اللي فات لجوّا، عَ دخايل هَ الحُتلاقِ الطفلِ  
 القلبِ، بسَ المفتَح - مثلَ كانوا بكلِّ حواسو،  
 وبشي حاسي سادسي كمان - المفتَح عَ العقلِ،  
 عَ حرَكتو وَهُوَ عميخُلق، عَ علقاتو معَ حالو،  
 عَ صرَيخو الساكت، عَ إيدَي الممدودين لرَبو،  
 وللمجهول، بيصير يعرف بقول: «علّة وجود  
 الانسان، الأيش العظيمي الكلّ ليني كرمالها  
 بيحكّ حالو نقطة استفهام قدام النجوم، اجمل  
 اجمل شي بيه الكون هو اتو الانسان يعرف،  
 ويعرف لحدّ إتو بيصير يخلق » .

اللي ما عَصَرَتُو هَ الغصّا عَصِر، اللي ما  
 عَقَصَتُو هَ الحَيّي الدهما المشرقطا اللزيمي،  
 بيمكون مثل كانوا ما إجا عَ الوجود .

وانك تعمل كرون زغير إسمو تحفي ما بيفرق  
 أ بدن عن إنك تعمل كون ضخم، يَزَرَاتو وكوا كبو  
 العمتدور، بجاتو الغامضا ولا نهاياتو البتدوخ وترعب .  
 زغير وكبير؟ المسألِي مش مسألة كميّي . بالعمليين  
 تَنبُئُنْ في تكسير عدم، وعَ الوجود زيادة وجود .  
 ولا بقا اشرف ولا أجمل .

ما فهم شيء الشعرا وعَ بتأين الدول  
اللي قرا شعر الشعرا لأتو حكاية قلبن، اورضي  
عَ نظام سياسي لأتو بيا منلو شوية سعادي. وأقفر  
أكثر وأكتر الكتّب عن جياتن. خلافةين التحف  
والدول منهن جياتن. جياتن آخر شي فيهن .  
وانهن منتوجن . منتوجن بيهم أعماء العقل،  
الما يشوف من الروح إلا تجسيدها، هَ الشي  
الينلمس بإيد وصبيع. لزتك بالشي المخلوق ليزتك  
أقل بكثير من لزتك بانك تعرف كيف تعملو،  
وتعملو . حتى ولو كان لتعطيه للغير .

ولو تعمقنا بهَ النقطا يمكن نخطّ اصبعنا عَ سرّ  
خلالنا، اليوم، بالشرق: منستورد من الغرب قرش  
وآلات وأدوات رفاه، وما منصير نحنا الغرب .  
المهندز البيروقي الراديو يمكن ما عندو جهاز منسو  
بيتو . بس عندو لزة شعورو بمعرفتو، يعني بتفوقو  
عليك انت المتمتع بمنتوج معرفتو . ومنتوج المعرفي  
منسو إلا علامة وجود المعرفي . بيبكون هو  
عندك، انت غني، بتكون عندك هي، انت إلاه .  
المدني مش لنيقنيا، المدني لنعملا .  
بكرارح تقرا ميشال طراد : قلبو الشفاف



البيخفق مثل بيلسان، البيضوي ليالي بلادنا  
 وكرومنا ومردكوشاتنا، البيغتي للنبعا تتصل  
 تعطي، البيدحرج القمر ع حرج الحلوي تلتبي  
 وتنظر، البيعلاصوتو، يبتنعهم، بيبيكي وبيطير،  
 البيشيل الضجر من قلب الزمان، البيغلت البحر  
 كلتو ع الدقيقا المشوي الانت فيا، البيغمرك  
 بعطرو، بسكروتو، بدنياتو المائت عدد، البيخبرك  
 عن جلنار .

الحياة كل الحياة ! بس لا تخمن انو هادا هو  
 ميشال طراد .

ميشال طراد هو شعرو الشفاف، الملبان عافي،  
 المقصب، البيلب فيك، الحلو، البيوجع حلاه،  
 واللي بمناسبة هودي كلتن كان .

بين حروف عمتيظ لبعضا، بين نفس ونفس،  
 بين جرحا ووقفي ورجعا من آخر الدني، بين جزء  
 غازي كل وكل متغلغل بجزء، بيكرج ميشال  
 طراد، قدام عينيك وتحت صبيحك، آلي هايبي،  
 آلة خلقت عمدتورها إيدتين مارد، مرين، خبير  
 بتفقاية النجوم ع الورق، وفلت الرياح تمز

عوالم وآزال . و كلسو كلانو بقصد واحد : فضح  
سر الجمال .

\*\*\*

اول ما بيجايبك الجمال بانو بيغيرك صوب  
الزيادي، وهو عميلزك .

نشوء كل معرفي فيك بتوافقو لزي . بس  
الزوي البتوافق المعرفي البيعملها الجمال بتفرق عن  
غيرها بانو فيها شي من التخدير، من الحلم، من  
الهمز كإنو الكون الانت فيه مرجوحا .

ون نغمقنا اكثر منشوف روح الجمال حرّكي  
صوب التوحد، اجزاء عمتملم بكل، طيشرا  
عمتصير نظام . وه النظام متل كإنو بساطا مع  
إنو مركب من الف تنويعا وتداخل . شعور  
غريب، شعور بانو التعقيد زانو صار عميرحرح .

الجمال بينعمل مش لشي إلا لخالو . لا بارغام  
ولا لغاني . تمام متل اللعب . البيلعب ما حدا  
جايرو، ولتو عميضارب ع منغعا . وبيكد وهو  
ملتو . متل كإنو مأمور من قوتي ناغمي غامضا  
خفيي من برات ه الكون .

والجمال دامين نتيجة حلم، حلم بشي عظيم، غير  
عادي، بعد ما صار . مع إنو تعبير عن مدنيتات  
الارض، بكل تحقيقاتن، من العملت الدولاب  
ببابل تزويد الانسان مروني، للخلقت الافتراض  
عن تكوين الزرّاء بكونبهاغن تتصير و يقدر  
يفصل قوا الطبيعا قميص لِحلمو .

عَ الجمال إنو يعطيك شعور بالحياة . لأنو  
الموت ما يقول شي . للحياة وَاَحدا بتطرب الحياة .  
حتا تحفة فيليب ده شمبني عن «المسيح الميت» فيها  
حياة تاني عمنتطق .

بس ايا حياة؟ العادي؟ المتل شي فقير مهتم  
مندلقا عَ الارض؟ لأ، والحياة المطلوي هي  
العمتصارع الحواجز والصعب وعناصر الطبيعا :  
صخر وعاصفي وزلزلي بتهدّ الجبال، وفراغ، واللي  
عليّن كلتن منتصرا، ومنتصراع الموت، واللي  
هي بالنهاي برهان صارخ عَ إنو بقلب هَ العدم  
المرعب بيقدر ينوجد وجود . وهَ الوجود مجرّك  
ويبسّنا ويكنلو عقل يتحكّم بالكون ويخلّق .  
ولأنّنا الحياة هَ القدرّ ملياني، بتكون حراً،  
سيّدي، سيّدة مصيرها .

ومفتحة كل معرفة وكل خير، وهيك هي  
أقل ما يمكن لأكثر ما يمكن . فإذن منسجمي  
عمتناغم ككل مع أزغر واكبر جزء فيها، مع  
كل شي بيعملها، بيعمل - بأكل ما يمكن - الحياة  
حياة .

تشديدنا ع الحياة اللي هي روح الجمال بيكون  
عبس، بيكون إجرام اذا ضلّ نفهم منو الحياة  
اللي هي موضوع القصّاصين، واصحاب السير .  
يعني حياة البياكل ويشرب، البتهزّو المطامع  
والسلطا ويوجّعو الحب، البيغنا ويفقر بالمال،  
البيشتم بقصر أو بيدفن حالو نجيمي، البيكاش  
أو بينكاسل، بيكوتر او بينحرم النسل، البيمرض  
او بيكدس شحم، البيحارب بشر ويفتح شبار  
أرض، وبالآخر بي موت . لأ، والآلام، عرق الجبين،  
الموت صبح ومساء، الضربات اللي جوهرت الانسان  
وطيلعت المديني، المآسي القربت الانسان من  
ربو وصيرتو وحدو بين المخلوقات آلي عجيبي، ما  
بتهندا، آلة سحر مبرقطة مطبعا بتعمل جمال  
بيركتق قدامو البشر واحلام البشر، ما هي الا  
مآسي العقل .

مش روحٌ تتعرض هون لتجديد الخلاق،  
لَسْفَرٌ تكوّنونو. منقول بكلمي انو هو إنسان  
غني إنسانو بكل المعارف السبقيتو. معارف  
جَاهِبًا بالنظر وبالتجربي. تعامل معها بزاتو  
وع حساب حياتو. معها أخذ، يعني كَتَشَفْ،  
وعطا، يعني حَقَّق. نَتَصَّرَ الف مرًا وألف مرًا  
هَرَسُو الدولاب، ولا كَلَّ ولا قطع أَمَل.

البدنا تتعرض ضلو، بشويّة تدقيق، هو عمل الخلق  
بجد زاتو، نفاجثوو وهو عميصير براس الخلاق،  
بِهَ التَكَاتِ الفاصلي العظيمي البهيمي البتقرر  
حَطَّ جزيرة وجود بأوقيانوس العدم.

لأنّوه الومضا البنخلق فيها نسرة الجمال  
عمرها خَطْف، بيخمنها الواحد بسيط ماش معقدي،  
لانها نتيجة عقل ولا من عمل منطق دقيق بدوراتو  
وتعليلاتو الصعي المحكمي، او إنها بنت شي مبهم  
إسمو الإلهام أو انها عطية آلهما. مقابلي بين جملي لباخ  
عمتطيلعها ع البيانو، بلهجة عين، سلحة صبيع ساحرا

---

(١) تومنا بمشاكل الخلق بقصيدتنا الفرنساوي  
«دميرخوس الصوري»

وبينها كالتماسات الطويلي المتعبي التي لزمنا اول مرة  
لغة الصبيح تنهجوها او تصارو هن هن ، بتقلتك  
انتو ما في ولا شرارة جمال إلا ووراها عمر من  
التحضير والكدة ، موت وقومي من الموت ما  
بينتهو إلا بالموت . اكيد انتو في شي من سعفة  
الخطّ تفتّح ، كلاسوا ، عدة كنوز مكدسي  
بالنسيان ، مجموعن كلتن ضروري لتكوين اول  
فكرا عروس بروحها وجسدها . كم مرّا نظوا

(١) « بروحا وجسدها » لأنو بعالم الفنّ ما في معنا  
ومبنا ، كنه وشكل - إلا طبعن بالبحس ، وتقريب  
المائل لفهم . بالواقع « الحياة » بتجي بكليتها . مش روح  
عميقس جتي او جتي فاطرا تبعنا بروح . ويكون جاهل  
ألفبا الفنّ البيقول أنو بتطلع معو الفكرا وهي بعدها بلا  
تعبير . كلّ تعبیر عن فكرا جاهزي تغيير له الفكرا . وما  
منقدر نقول صارت معنا الفكرا نهائين إلا بعد ما تجي  
بعبارتها . ومن هوّن تفريق ارسطو ( ما وراه الطبعاه ، ١٠ )  
بين الشاعر والنظري .

ع كلّ حال يصعب ع عالنا ، عالم الانسان ، حتّا تصوّر  
روح بلا جسد ، لأنو نحن تكويّنا هيك . ويمكن  
« الانجولجيا » ، ه الكتاب العجيب لار توما ( الخلاصا  
اللاهوتي القسم الاول ف . ٥٠ - ٦٥ ) يكرن المحاولي الوحيددي  
بآداب العالم لوصف خليقا بلا جسد . ومن ه الجمّا اهميتو  
ما بتقلّ عن اهميتو اللاهوتي .

العقل عَ حالو طوي، وكم مرّا سكت وبسكونو  
عَنّات وجهش، ومرّات مداورات ومسارات او  
عنف وضربة مهدي بمقلع مستحيل أو رجعا  
بكسرة فقير أو فذغ ودمّ أو عزم بعد ياس  
عَ محاولي جديدي أجراً وأشدّ؟ هادا كلّو بيضلّ  
بدمة هالك العالم الزغير الاسمو الوّمضا الحاطفي،  
بس الإزا حقت وتوفقت مرّا بتكون خلقتلنا  
نسرة قول أو نعم أو نحت عَ تسميرتها عَ الورق  
أو عَ الوتر أو عَ الرخام بيتوقف الاستمرار  
بخلق تحفي أو عالم جديد .

ونّ طلعت هَ اللقي الأولاني، بيهدر  
بالزهن شعور بالنصر، النصر الخلاق، وما بيديقا  
الاتطلّ وراها - ويمكن اقوا وأها - لقيتي  
ثاني تعبط بدورها لتالتي ورابعا وخامسي .

بس هَ الهوس العظيم، هَ الغشوي العتهبط

ومنقدر نقول بهّ المناسب انو علم اللاهوت بجرّد ما هو  
وصف روح محض، فكرة فيكر، بأما حالتها، يشكّل علم  
فريد النوع، سرّوة معرفي ما يعجلّ محلّها غيرها . ونّ هَ العلم  
ضعف وما ضلّ يتعامل مع العقل البشري بتوقع خسارة  
كيري عَ الفلسفي وعَ العلم وعَ الفنّ .

روح العَدَم، وتُطيلع بالبال وردي من لحم  
 ودم، ما يمكن تدوم للأبد. وبينمحي جوّ السِحْر،  
 ومثل كإنتو نزل الستار ورجعنا للأرض، للحياة  
 العاديّة، جارنا السراق البشع، للحاكم الظالم،  
 للأكل، للشرب. رجعنا لعجزنا قدام ه الكون  
 الهائل الثقيل، قدام البحصا البتدعفرنا، والبرعشي  
 البتكتسنا من الحياة. نوّصلنا هوّن يمكن ما  
 يبعود شي بخلّصنا. ع الخلاق إنو يحنّال  
 ع المصبي، ع جبرؤوتو الراكع قدامو مهتم  
 مدمّا، ع المستحيل زاتو يشكّ فين كلن،  
 يشيل من الضعف قوّي، يتصور حالو مش بس  
 اكترو اكبر بما هو، يتصور حالو غير ما هو.  
 يلتقط أول نسرا طايّرا. مش لأنها مساقبي، إجت  
 مطرحا، حاوي، مسلّطني. نسرا كيف ما  
 كان. ليّش؟ هيك. تحكّم خلاق، سيد موقف،  
 سيد نصر وكسر. ويجمد مطرحو جمدة النهائي،  
 جمدة الموت الما بيعرف بهاك التكتات الحرجي،  
 الفاضي، العترجف من البرد، يفرض فقر و غنا  
 وجليدو نار و فراغو و جود، ويعطي من قوّة  
 ألوهيتو ع الاشيا حق للمش مطرحو إنو يحنّال



احتلال الفاتح . يمكن هـ الشعور الجديد بالسلطا  
يكون الطريق الوحيد للسلطا

ويمكن الشكل زاتو يفرض علينا الكنه .  
منقول : ناقصا شي بهـ الحجم ، بهـ الكمي ، ماو  
هـ التجويفي . شو من كان يكون . الشكل ، هو ن ،  
الشكل سيّد . بس أوعا نكون مش نحن ، نحن  
الردناه اتو يريد ، الأمرناه إنو يشمر

وبتجيك وقفه حيري . بيالك وما بيالك .  
شو بتنتقي ؟ حقل سبل عميموج عَ مدّ عينك  
تحت ثقل الذهب ، يما صخر مسمر متل نجمي  
عَ خضر الدقيقا ؟ احساس بانك دايع عمتوقع  
بهوتي ما لها كعب ، يما شعور بانك عمتحطّ اجرك  
عَ أرض طيرا فيك عَ بلاد الغيوم ، عَ وطن  
الزاعقا ؟ هـ الحيري ، هـ الحيري زاتها بتبرملك  
راسك ، بتسكرّك . والسكر ضد التردد .  
بيعطيك الجرا تّننتقي . وبتمدّ إيدك وبسقة  
الاسكندر قدّام إيسوس بتمسك الهوي وبتوتها  
جبل . وهيك بتفضيلك شي عَ شي برحرحا  
وعنف بتكون من التنين أخذت روح التنين .

وفيك تستغلّ الوقفي البتشدّ تشوّق من  
نار للحدّس البعدو بارد . انت متلهّف لشي  
والبلّش يطلع شي ثاني . هـ العلافا البين الضديّن  
هي شي ثالث . وبين قال : مَنها من التنيّن أجمل  
وأغرب ؟

ومرّات لازم تدير ضهرك وتصرخ : لأ .  
البيعرّض حالو عليك ، رخيص ، سهّل ، مثل بنات  
الرصيف ، صفعو ومشي . ون إجا رفيقو كمان  
رمي خلفك . وذلّ رمي رمي بشكبر وعزّي ،  
ولو مدّة سني من عمر الدقيقا ، حتى تطلّ من  
خدرها شي إلاها ما شاف وجها ولا ضحكلا إلا  
الشمس . ولو كانت فوق ، بين النجوم ، معزقا ،  
زيتّ حالك بّه الكون ، باخطر ، تحت الحريق ،  
وجيبها لفظاع الورقا .

ومرّات بتخطّ شي موقت . جسر بين جمال  
وجمال . لا تخاف . ليمن بتحسّ إنك قطعنت ،  
وتصّرت ع الخطر ، مسوك الجسر بإيديك  
التنين وهدمّوع حالو . صرت ربّ ، صرت  
قادر تعمّر مطرحو عالم ، القبّل والبعد - هوديك  
الكانو كلّ شي - تكميلي إلو .

ولا تشفق ولا ترحم . الشئ الناقصوشي  
تصير حالو، جبرو يجيبو . ون عجز كسترو  
كسترو . بعالم الخلق ما في مطرح للنص حي .  
الجميل بما مطلق جميل بما من الأساس مش موجود .

\*\*\*

شعر ميشال طراد عميجكي، عميبوح بسرار  
كتيري . لا تهمّ لعناه، - معانيه غنبي او غير  
غنبي . شرق السرار . عبي حرجك ورد .  
بكر ا انت الجمال .

سعيد عقل

زحلي، تشرين الثاني ١٩٥١

Faint, illegible text at the top of the page, possibly a header or introductory paragraph.

Main body of faint, illegible text, appearing to be several lines of a letter or document.

Lower section of faint, illegible text, possibly a signature or closing.

# جلنار

جلنار يا ربي شو ه التغمي

ه الاسم يا ربي ؟

نقيه من جسمي ،

صقيه من دمي ،

وذبرو بجلمك ،

كل ما اجي وناديك شي كلمي

بيتنفض قلبي ،

بيشرد على تعبي ،

ومن غير علمي ،

اسما قبل اسمك .

# تَوَصَّرَا

يا حاوِتي ، كواز النبيد،

هَ الْعَاصِقْرُ الْمَلُوكِ ،

الْمَشْعَعَا بِالْعَيْدِ ،

وَتَعْتِدُوْخُنْ هِيَكِي ،

مَش ، يا ترا ،

مَنْ الْعَنْبِ الْمَدْعُوكِ ،

عَ الْمَعْرَا ،

بضو القمر من تحت إجريكي ؟

## نغمشي

- قدّيش هَ أوردِي عمتكتر حكي؟!  
وَبِتَضَلَّ هِيَّي وَهَ أَلْكَنَار بوشوشي،  
مبارح غمش عنقا بظفرو الليلكي،  
واليوم بَقَّح صدرها من الغرمشي .  
شو باك، يعني، شو؟ - وانتي شو بكي؟  
- حَسَيْت دَخَلْكَ هِيَّكَ مَتْلِي بِنغمشي؟

## إلي وخسري

شكلي فسطانك بزهر الربيع ،  
بالفل ، بالياسمين ، بالعتاب ؛  
ومشي معي ، يا فرحتي ، تنضيع ،  
خلف القمر : تشرين خلف الباب .



وفرفطي اخضر حلم ، وتريني ،  
والسّال شقفة صبح ، زلفوطة صحو ،  
وهَ ألدني تجم عليكي ، هَ الدّني  
تحرّش سرار ، سرار تمجها محو .  
انتي التفاحا القمّرها الريح  
ومشّحها خدًا بقلم شيطان ،  
انتي إلي وحدي ، بترهجلك رهب  
هَ أارض وضوعي وهبة يئلسان .

## معنا الحياة

معنا الحياة الحب ،

مشي معي نوثيه ،

ونغب مشو ، نغب ،

ونكرع من غنايه ،

ونشفلنا شي رعب

وردي نعثش فيه ا

## تسكينه الفسطان

الله ! بعدو الورد عنا زغير  
ما بينقطف متو  
وأهلي بقولولي : بعد بكير ،  
ورداتنا بيظهر بيتانو ؟  
بلكي بتقطفلي من البستان ،  
الله ، كيف منكان ،  
من عندكن ، من عند هـ أالجيران ،  
اربع خمس وردات ،  
يا سود خمريات ،  
يا حمر جوريات ،  
تسجل الفسطان .

## بنت من جارتنا

زِعْتِي وَزَاغَتْ هَ أَلْدَتِي فِيكِي،

مِشْ حَالِ حَالَتْنَا،

يَجِيْبِكْ غَوَا وَضَحْكِي تَوْدِيكِي،

يَا بِنْتَ جَارَتْنَا .

وَعَمْتَلِي مِنْ وَرَا سِتَارِ الْحَرِيرِ،

هَ اللَّيْلِكِي وَبَنِي،

وَمَرَّأَ بَتَوَقَافِي عَلَى جَنْبِ السَّرِيرِ،

وَمَرَّأَتِ بَتَغْنِي؟

وبتعلي حفي بتمسيح القزاز  
وإسقاية ورودك ،  
وتتك هـ أَلْمَلُوح مثل لون الفراز  
عميشق خدودك .

يا هـ أَلْحَامِي القلبها شي جارحا  
وبالشوك مشلوحا ،  
بلي متصفلا الشوق جواخا ،  
موجعلها روحا ،

مننزل قولك هيك هيك معزبين،

منتحرق من بعيد،

ون أهلنا ضأو علينا مسكرين

منخلق غرام جديد؟

وبكرا اذا بعدي انا العنبر

ما عاد لاقاكي،

يبقا يجي شباكك الاخضر

يشكي لشباكي ا

## صَبِيح

ام العيون الخضراء أكلن وورد،  
هـ العتطف ورد أصفر بالريبع  
ضيت بيّن هـ العشر الصبيح  
وصارت تقطفهن مع زرار الورد.

## فرشي نَفْسِي الْعَلِي

الليل فرشي مُفَشِكِي نَامِ الْقَمَرِ  
عَ مَخْدَاتَا مَصْفَرًا مِنْ كَثَرِ السَّهْرِ،  
شَوْشِ لَأَخْتِ الشَّمْسِ عَيْطَلًا : وَقْفِي،  
وَالشَّمْسَ بَعْدًا مَفْرَعًا وَمَلْفَلِي،  
مَسْتَحْيِي تَطَلِّ وَعَيْسُونَ السَّحَرِ  
نَجِيمَتَا؛



قومي معي : الوادي مُبشّتها الضباب ،  
فرخين كحلّ ريشنا وهج الشباب ،  
والهوا من لهتمو متّحي السبل ،  
والنجوم مزحلقا فوق الجبل ،  
سرار الجمال قرابتنا أطيّب كتاب ،  
قرابتنا ؛

قومي نُخَلّي عمرنا غناني البنات ،  
بكرًا وتار العمر كلاً عنعنات ،  
رُغيف خبز ومجوز وشقفة حصير  
وطاقة قر بيكوخ شي راعي فقير  
وشقتي عَ شفتك هيدي الحياة  
ولزّنا ؛

# صدرا

مخات ، ورد نيجط ، فل يشيل

قرنفل ، وميت بنفسجي خضرا ،

خوتان ا كتر شي الف وازميل

وازميل بالزنبق على صدرا ا

# صندل

لو عَطَوْنِي كُلِّ مَالِكَ ، يَا دِينِي ،  
بِتَعْرِفِي شَوْ كُنْتَ بَعْمَلِكَ خَبَار ؟  
بِعْطِي لِبِئَاةٍ وَرَدٍ تَجْمَعُ قَمَار  
لَا شَافِتَا ، وَلَا حَلِمَتَا بِمَوْسَمِ سَنِي :  
ثَلَاثَ أَرْبَعَا مِنْ أَلْفِ فَلِيٍّ وَسَوْسَنِي ،  
تَحْيَطَنَّ صَنْدَلٌ لِأَجْرِيهَا الزَّغَار .

## وخمري ضلوعي سرير

يا حلوتي نامي ، وخدي ضلوعي سرير ،  
نوم المناا ورموش عيني حرام ،  
أنعم من الحمل ، وأغوا من الحرير ؛  
وتحرسك ، يا حلوتي ، طيور الحمام .

وُبُكْرَا إِذَا نَمْتِي نَبْنَا ، طَلُوعَ السَّحَرِ ،  
نُبَيْلِكَ مَعِي دَمَلَجَ ، وَعَقْدَ مِنَ الرَّوْدِ ،  
وَوَخَاتِمَ مِنَ زَمْرَدَ ، وَهَـ أَلْبَعِي الْقَمَرِ ،  
وَوَشِي بَلْبَلِ يُفْقِي لَعِينِيكِي وَعُودِ .

وَيُوجَ هَـ أَلَيْلِ الطَّرِي فِيكِي ، يُوجَ ،  
بِنِي النُّجُومِ النَّعَامِي أَلْمُعْتَدِي ،  
وَوَطِيرِي عَ هَبَّاتِ الْعَطْرِ ، خَلْفَ الْمَرْجِ ،  
نُبِي حَلْمِ اخْضَرَ ، تَحْتَ رِخَّاتِ النَّدِي .

# تیزکار

لین حبیبی شم

زرّ الورد شتی،

وما زگرو بُتتی،

تتی انا جلنار،

جروحو الشوك وصار

هَ الْعَطَرُ یَقَطِرُ دَمًا .

# سَلْحُ زَيْنَبِ

عَ كَتَر مَا هَ الْزَيْنَبُ شَلُو حُو عَلُو ،  
وَقَمَابِلُو ، صَار يَغْلَطُ بَعْدُنْ .  
جَلَنَار أُوعِي تَوْقِنِي حَاحْدُنْ ،  
بَلَكِي عَ سِكْرُو يَفْتَكُرُ إِتَاكَ إِلُو .

## عَ طَرِيقُ الْعَيْنِ

عَ طَرِيقُ الْعَيْنِ مَحَلًّا التَّكْتِكِي  
وَالْقَمَرِ عَ كَتْفِ صَنِينِ مَشْكِي ،  
بِيكْتِشِحِ الْغِيَاثِ تَيَاخُدِ هَوَا  
وَيَبْطَلُ بِيوَجُو ، وَيُوَجُو حَاكِي .



بيكشع الغيات تياخد هوا،

معزب، انا وباه بالحلي سوا،

قديش قلبي تاه بضحاري الهوا،

مجروح قضا العمر غصأت وبكي؟

ياما نسهرت الليل تيفيق السحر

وع ألوتر دقيت تيتسخ الوتر،

فرشتي من وراق صفرا، ومن حجر

مخدتي، ولا عن قلبي ولا حكي.

بُزكرُ يوم القلت : حدي تمّدي،

مسندك زندي، وزندك مسندي،

- شوباك يعني؟ وحدنا ما في حدي،

قلتي، وقتلتك : يعني شو بكي؟

بتومي إلي وما كنت افهم بالوما

فكرك، وإشيا كثير عنك إكتا،

والتفت مرأ فيكي وبالتما

مرأ، وعيني بالثنين ملبكي.

ولئن مرقتي عَ اتَّبَع قلبِي هفا ،

يُحْرِم عَلَيَّ نُدَّت ليلتِها العفا ،

وَأَوَّا نَسيتِني وضِيعتي الوفا ؟

بيظهِر تَرَكتِني وعَ غَيري مُرَّ مَكِّي .

نَسيتي قَطوع النهر وطلوع الجبل ؟

نَسيتي سلال الزهر وفريك السبل ؟

نَسيتي ؟ سألِي قلبك وَكُن قلبك دبل ،

قلبي بعد عندو حياة وَزَكَرَكي .

وطالما بعدك بنوآر اللطيف  
قطني الوردات، جايبكي الحريف،  
يومتا ما رفّ فوق الرّيف ريف  
غير البكي تيبخّرك شو كُنْ بكي ا

# يا ضحكة العتوسني

لأخني

يا ضحكة العتوسني ،

بين العطر أوعي

وبين التدي تضيغي ،

وأبوم عليكي هـ الدني ا

## الحسن والحسين

وعيت ومثل شي أوان غنية خمر،

صفرا على شفافي،

وملغشي، وعمرفك عيوني الخضر،

وبعدني غافي؛

ومش فايقا مع مين رحى نبارحا ،

ورجعت سكراني ،

ومكتر هيكى ، وهيكى شالها

عَ الأرض فسطاني ؟

وأربع خمس وردات ، تشكىلة عمر ،

متمنين جديد ،

وشراشنى وشرايط سريري الحمر

ملطخين نيدا . . .

# يا مَصْرَ

يا مَصْرَ ، عَرِّيا عَ أَلْيَاسِمِينَ ،  
وَدْفوقِ ضوِّ الشَّمسِ فوِقا وَعَطْرا ،  
وَحروقِ عَ جَرِيها المِسْكِ والنَّارِدينِ ،  
وَبُرُوزِ اَبْشي كَمَ نَجْمِي ، وَسَترا !



## مِنْ قَوْلِ حَبِيبَتِهِ؟!

كُنَّا زُغَارَ ، وَضَمْتِي ضَمِّي ،

تَحْتَ الْعَرِشِيِّ الَّذِي خَلْفَ بَيْتِهِ ،

وَيَا رَيْتَ ، يَا رَيْتَهُ ،

قَرَّبَ صَوْبَ تَمِي ،

وَمَا عَدْتُ لِأَقْبَتِهِ ،

وَشَوْءَ أَقْوَلَا خَبَارَ لِأُمِّي !

هُوَ حَبِيبِي ، مِنْ قَالِ حَبِيبَتِهِ؟!

# خَيْلٌ عَنَّا بِنَهْجِ الْجَرْدِ

خَيْلِكَ عَنَّا بِهِ الْجَرْدُ ،

بِفَرَشِكَ الْيَاسْمِينِ ،

بِنَعْلِكَ بِنَجْمِ وُورِدِ ،

بَطَعْمِيكَ لُوزِ وَتِينِ ،

بفرجيك عَ عيونني الخضراء،

عَ زنبق كتافي،

بسقيك أشها من الحجر،

من حمرة شفافي،

خليك عنأ، يا هنا

عمري، الصبح بكير

منعنا نيه التسوسن انا

وإنت وه البشاشير .

## حَدِّ السَّرِيرِ

بُغْيَةَ اللَّيْلِ ، عَ زُنُودِ الْقَمَرِ نَامِي ،

وَالصُّبْحِ نَاطُورِكِ

رَحَّ بِسَهْرِ الْعَمْرِ ، رَحَّ بِتَنُوصِ أَيَّامِي

مَعَ رَجْفَةِ سَرِيرِكِ .

شو بتعمل السنبلې الصفرا نجباتا

العميدرين ه الطير؟

شو بتعمل الراهي بقلبا وشهواتا؟

لا تلومها ، يا دير .

يا غامرا الحلم بيديكې وبجفونك ،

بکرا الدني غناني ،

بتذکر ندي شفتي منور علی جينک

وبتروح سکراني .

هِيَ دَفْقَةُ التُّورِ جَائِي حَافِيي نُرُورِكَ ،

بُضْعًا وَعَكَّازًا ،

وَعُرُوسَةُ الحَقْلِ غَادِي تَحُوشُ زَهْرُوكِ

تَتَفَضَّلُ جُهَازًا .

وَاللَّيْلُ حَنُوزِي عَلَيَّي عَمْتَهْزَلِكِ

رُوحُو وَتَحْدِيكِي ،

وَالصَّبْحُ رَجْعَةُ صَدَا نَمْنِي وَمَتَمَسِّكِ

فِيي أَنَا وَفِيكِي .

# غزل الندى

إجريك ، يا ببل ، مبلها الندي  
ضايقتي ، ما تغطّ عَ غصوني ،  
يشضّك تفرفر مَ حلك تهدي ،  
فَيقتني من الحلم ، يا عيوني .

# والقمر وهي

عندي ورد ، ونبيد

أحمر ش أفتي ،

والقمر ، وهي ،

وهـ أعر غني ،

وعندي الكنار يعيد . . .



# تخم

ما أجملو ، ما أجملو

هَ أتم ، هَ أتم الجلوا

شقي نقوط الياسمين ،

وشقي تلابيح السنين !

مخلاتنا الشيطنين

عنك وعنو يسألو .

# حياة الحسين

بألاً نألاً ، بألاً سألاً ،

يا تلج صنين ،

يا زنبق بعرض الفلا ،

يا فل ، يا ياسمين ،

يا حَبَّ عنقود نتلا

وتألمز بشرين،

يا سنبلي بُنيت الغلا

عليت، ويا رياحين،

يا عيون، يا الكَلَّا صلا

وعياد وشعانين :

لمين رح يبقا الحلاء،

من بعدها ، لمين ؟

رَد ووما الزنابق إلا ،

وصار يغمز النسرين :

- قولك صحيح ؟ قَلو : مِبلأ،

هَي حاوة الحلوين .

## غيري

بجيات عيني ، يا حلو ، وعينك

قول للورد : بتغار ،

ما بدّها جلنار

يرفّ العطر بيني انا وبينك !

# رَحَّ حَلَقَكَ بِالْفَصْنِ يَا عَصْفُورَ

رَحَّ حَلَقَكَ بِالْفَصْنِ ، يَا عَصْفُورَ ،  
بِالْوَرَقِ ، بِالنَّبَاتِ ، بِالنَّبَاتِ ،  
بِالزَّيْجِ نَجَاحَكَ بِرَيْشَةِ نُورِ ،  
بِالْمَرْجَحِكِ مَعَ زُرْقَةِ النَّمَلِ ،  
وَحَلَا الدَّيْنِ بِلَادِكَ  
وَطَرَزَ عَاقِبَةَ مَنَادِكَ  
مِنْ فَرَحَةِ الْيَاسْمِينِ ،  
مِنْ لِيَالِي الْعَابِ ،  
مِنْ وَرْدِ ، مِنْ عُنَابِ  
أَشْعَارِ وَتَلَاحِينِ .

بِطَيْرٍ ، يَا عَصْفُورُ ،

عَ كَوْخٍ مِنْ وَزَالٍ ،

غُورِيَانِ ، سَقْفُورِ زَهْرٍ ،

مَفْرُوشٍ بِالْعَنْبَرِ ،

وَحَبِّ التَّدِي الْأَخْضَرِ :

دُنْيِي ظِلَالِ ظِلَالِ .

يا الكَلِّكْ مُودَي ،

شو قولتْك بدَي ،

بدي معك وَدَي ،

وقلِّكْ أنا وقلِّكْ ؟

الله يسهِّلْك ...

بِتَقشع عرشي ، وباب

بيفتيَا رِمزوي ،

وحلوي بيادا كتاب ،

سَلِّم على الحلوي .



وَن هَدَيْت رِيَا حَكَ

بَتَمْرٍ مَنَع جِنَا حَكَ

عَ التَّمْطَح ، عَ الْحَيْطَان ،

عَ قِيَاب مَدْرِي

عَ الْبُسْط ، عَ الْقَمْصَان ،

عَ كُل شَيْ تَحْزَق

عَ الْمَقْعَد الْاَزْرَق ،

عَ الْقَمْر السَّكْرَان

الْبِيْزَكْرَا فَيِي .

ون كان ما في شي

من حيننا باقي،

بشكت الساقى،

يا طير وبشمشي .

وبتغط تحملي،

يا من هك التلي،

يا من هداك الغاب،

شي زكر، شي قشي،

ومن خريشة ذيبا

ومن تحت إجريها،

شي نقدتين تراب .

# طوي

قَلِي القمر : ليكي

هَ اللَّيْلِ دَرْنِيَة برد ،

جلنار ، خَلي السورد

يَلطَا بعينيكِ .

# وهي وعثر قص

وهي وعثر قص تفرق ط ه المقد  
من عنقها ع كثر غنجا والدلع ،  
وهي وعثني صار يصفر الورد  
ع صدرها من كثر م العطر نوجع .

## عَيُونُ الْخَضِرِ

فراشات بيضا سرب ينده لسرب

ويقول : عندك عن عيوننا شي خبر ؟

شي أمل بكتوب جايي ع الدرب ؟

قلي عليهم ، ليش قلبن ع الحجر ؟

بَتَقشعِ سِفْرِ تَكْوِينِ مِنْ رِيشَةِ إِلهِ  
وَبَتَرُوحِ عَيْنِكَ بِيَدْرِجِ صُوبِ السَّماءِ ،  
وَلَمَنْ يِيأخِذِ رِيفَ عَيْنِهَا مَسداهِ  
بَتَطَلِّ دُنْيِي مِينِ بَعْدِ بِيَحَلِما ؟  
قِصَّةِ غِرامِ وَمَا نَحَكْتِ إِلا ظَلْمونِ ،  
الفاظِها رِيشَةُ نَدِي عَ سوسِنِي ،  
لا « لِيونار » اعْتَنَّا وَصُورَ عِيونِ  
أَجْمَلِ مِنْ عِيونِكَ ، عِيونِ بَهَّ أَلدَّني .

فَتَحِيهِنَّ وَنَ إِجَا نُبَالِكَ دَمْرِع  
نَجْمِي هَ الْكَوْنُ ، مَا فِي وَلَا حَلَا  
نُيْشِبُهُ حَلَاهِنُ ، لَا وَلَا تَضَوْتِ شَمْرِع  
بِيَعْتَلُ هَ أَهْلِيكَلْ وَلَا تَصَلْتِ صِلَا .  
يَا حَلَوْتِي ، مَرَّاتٍ بِيَطُوفِ الضَّبَابُ ،  
نُبْضِيْعَكَ ، وَنَ حَنَّ قَلْبِي نُبْهَدُوْ ،  
أَحْسَنَ مَ عَنَّاؤُو نُبْضِيْعَكَ ، وَالتَّرَابُ  
هَلِي التَّفْتِي لِيَه مَرَّأً بَعْبَدُو .

## تَمَسُّ

خود، يا نحات، شقني من القمر،  
وجيب شقني، نُحْتَلِها تَمَسَّها  
بُرْخَة وزود وعلقو بَعْنَق السحر،  
وخلي الدني تَرَكع تصلي قبالها!



## جبهة قمر

ضوء القمر سهل طريق العاشقين ،  
والنجوم بسرنا مش عارفين ،  
يلاً عَهْ أَلْتِي تنلاقي السحر ،  
بعباية شمس ، بيجبة قمر ،  
مش فارقا . ونحنا بعيون البشر  
فرخين بصبح الجبال مطيرين

# نقوٹ

لو رفیہی لَعْمَرَاک ، لو رفیہی ،

الدنیہی بفرَد غمرا ،

وَرغنیہی فرفطہا ، وَرغنیہی ،

عَ جریکی یا سمرا ؛

بكدسلك من الورد قفورا،

شي فتح وشي زرار،

من جهاز الصيف تتورا،

زنار من نوار؟

بجلي الكنار الجار شباكي

يفزلك شريطا

شو لون خيطان؟ شو حياكي؟

من الفجر مشوطا؟

نوعي الزنابق عَ نعم رعيان

يرقصو بعيدك ،

يقيمو التلال ، يقعدو نيسان ،

ويقفو على زنودك ؟

بفرع الآس ، بجذر النسي

وبسوح بجسمك

عراس وليالي مزغردي ونجبي ،

وبسكرهن بإصمك ؟

وبنده لنجمة صبح مشلوحا

من طاقة الجنّي،

تنصّبك من النور مرجوحا،

طيري فيا وغيّ؟

والقمر، هادا الخلف صنين

متشاف، نجالو،

بدأو عليكې بسالو: تحمين

عمطلي يسالو؟

# سَيِّطِي

نخلاتكن ، مدري كَفَنِي صايرين ؟  
عَلَمُو عَ الشَّيْطَانِي نخلاتنا  
بِيتَغَشُّو مَا بِيَسْتَحُو هَ الدَّاشِرِين ،  
بِيتَغَامَزُو مَنْ بَعِيدَ عَ وِرْدَاتِنَا .

# سكرت

يُظهر فضي بريق النيسد،

ليلة العيد،

بآخر هك السهرا،

وقالو : الحلوي ليلتا،

سكرت، وسكرو دمالجا،

وَصَفَر لُون بِنَفْسِجَا،

وهرت هك الزهرا،

المشكلي نجدولتا ؟

## بلبل

هـ أبلبل اللي ربتو كفتا حزين؟!

لا عاد يرقص عَ النَّهْر،

لا عاد بِصوتو الزهر

يشقع سما، يوقف دهر،

يبعت له ألتجمي حنين .



رح بيع أشعاري بسوق الدليلين

وبجتهن جيلو بزر،

جوز ولوز، طاسة خمر،

بلكي بيرجع للسكر

ويقطف الدنيي تلحين .

## قرص حسد

- مَنِّي ورد جورِي وَمَنِّكَ يَاسْمِينِ .
- وَيَدْبَلُو مِنْ بَعْدِنَا جُنَيْنَاتِكُن .
- وَنَخَلَات جَارَتِكُن هَ الْإِلَهِن طَنِين
- تَمَكْ بِعِيْطَلْن ، مَش وَرْدَاتِكُن .

يلاً معي ، يلاً نحو شمسك ورود ،  
وطرّ ذلك فساطين عَ زوق القمر ،  
ونقيلك من الزنبق الأبيض عقود  
يحلم بفتان جمالك والتحر .

يلاً رجا يصفر هَ الورد الطري ،  
ويختيرو نخلاتنا جواً القفير ،  
ويا حلوة الحلوين ، كيف منشّري  
بكر العسل تنعّد بعيد الكبير ؟

## خَبْر

وديت للحلوي القمر

يفرشها هـ ألبيت ،

وسلة ورد وديت ،

وعطور ، ونيد ، وخبر .

# لَهُنَّ وَلاَ خِيالُوا

مسين إقار لتمر بالسرة ،  
هَ أَلَيْكِي المغترَّ ييجالو ،  
وللبابل الطالع ع بالو نيكرا  
ويسوسح الدنيي بوالو ،  
وللوردة البيضا العمتحمر  
وعمزلفظ جسمها قبالو ،  
وللفراشي ألبلطر بتفسر  
والمفلها الغورا بشالو :  
بدل وما عاد الحبيب يمر  
ع دربنا لا هو ولا خيالوا

# بوسى

بوسى طرپى ترحلقت عن شقتنا ،

ونسيتنا

ونجمي بحرش الليل وحدا مشردي

قشعتنا ،

ونسيمي من حفاقي الكروم مبوردي

لئتنا ،

وعصفور شي مزوق باجي مزغردي

بيتنا .

وزرعو البوسي بقرني محايدي

ليلتنا ،

صَفَرَتِ التَّجْمِي ، وَهَيَّي تَسْقِيَا ،  
وَنَعَسَتِ النَّمِي وَدَبَلُو غَنَانِيَا ،  
وَتَحَيَّرَ العَصْفُورُ شَوْ يِعْمَلُ فِييَا ،  
وَاللَّيْلُ غَامِرَهَا بَعَبُو ، مُلَطِّيَا .  
شَقَّ الصَّحْحُ وَالعَطْرُ مَلُوا جَنِينَتَا ،  
وَالشَّمْسُ دَالِي مُعْنَقْدِي ،  
وَفَتَحَتِ مِنْ بَوْمَتَا  
وَرَدِي وَحَمْرَا مَعَشَّشَ بَقَلْبَا التَّيْدِيَا

# تاج

ما تسكري ، وتعربدي ،

تنصير نتقنبر عَ قبة هَ أَلفَاك ،

ونطير بفكار الندي ،

ودحرج عَ إجرك تاج ما لبسو ملك ا



# مدري وبنی هدرًا؟!

بلبل لهما نبه العمر

وهج من بعدا،

مدري ع ورداتا الحجر

مدري على خدًا،

مدري بعينها الخضر

مدري وبن هدرًا؟!

## قنديل القمر

لأيش هَ ألفنديل ومضوي القمر ،  
يا نوصي ، يا طفيه بلكي خيال مرّ  
وشافنا ، وصار ينقلو عنا البشر .  
الحب بلبل ، والدني كمشة شجر ،  
ولا تسأليني نكنْ له أليلي سحر ،  
ولا تفتحي من بوابك ولا تغلقي ،  
وحاج تحرنقيني ، وحاج تتحرنقي .

بأيا دني عمّحلمي وتتا ملي ،  
ولأيش من كتر الهنا بتسملمي ،  
هَ الكون كلو مش إلي ، إنني إلي ،  
وَبصيرو عنقود بايدي رحلي ،  
قومي قطفه ومرشقي ، لا تسألي ،  
وطيري معي عَ هَ الأزواع وسبقي ،  
وحاج نحرنقيني ، وحاج تتحرنقي .

## أرضنا

٠٠٠ وبعد في فيّات خصر مرفرفي ،

عَ شراشفا الزرقا ، وزنّار القصب ،

وبعد هَ ألعبرا على وجاه اللعَب ،

وجناح بشورا على شتما غني .

وبرواز صورا الدّهر حفو ونقوبو ،

ومزهرّي التّلع عمبيقّصفا ،

والعطر دبلان بين سوالفا

وعنكبوت وورد عيمتاتبو

وبساط حَتّ وباخ كانت تفرشو  
قبال القمر ، وترشرو بالياسمين ،  
الاربع قراني الصُفر عميتوشوشو  
وعميسألو عتِك ومتل المجنّنين .

وبعد في دورق نبيد ، وفي كتاب ،  
كل ما قَلَبْتُو نيبعق بالورود ،  
شوية حنين ، وزكريات من الشباب  
هوني صدر عريان ، هونيكي خدود .

جلنار مثل الحلم أيامي معك

راحت وهلي راح ما متو نوا،

ودعت قلبي يوم قلبي ودعك،

مثل الغيوم العيشأعها الهوا .

## قلبي للورد

قلبي الورد : ما تترك الحلوي تضيع  
ون ضاعت به الأرض ، لا عيون التهور  
بتعريك دموعا ، ولا دموع الطيور  
بتكنني يا هـ ألببل ، لتبكي ع الربيع !

## خلوة

علواه! لو ربي خلقي صنورا  
نبيك المشاء ع طريق جنينتا،  
شلع منها، كوز، ورقا مكسرا،  
بلكي بتلطا الحلوي بفتينا!



عَلَوَاهُ لَوْ كَانَتْ شِرٌّ وَرَدِي بِهَ أَفْلَاهُ ،  
وَلَوْ كَيْنَتْ شَيْ فَرَاشِي غَرِيبِي مُشْرَدِي ،  
مِنْ عِيُونِي كُنْتُ بِسَقِيهَا النَّدِي ،  
وَبِكْتَرِ جَنَاحِي عَاجِرِيهَا صِلَا  
عَلَوَاهُ عَ شَيْ كُوخٍ مِنْ قَشٍ وَقَصَبٍ ،  
وَسِرَاجِ لِقْشٍ ، وَمَجُوزٍ ، وَشَيْ عَزْتَيْنِ ،  
وَكَوْزِ خَمْرٍ ، وَدَالِيِي تَحْمَلِ عُنْبٍ ،  
وَشَيْ بِنْتِ سَمْرَاءٍ ، وَمُوتِ بَاجِدَتَوْلَتَيْنِ !

## ليلة العرزال

طل القمر عَ مقلب السلسال ،  
لا كان لا عَ الفكر ، لا عَ البال ،  
قولك حدن بيشوفنا بهِ الليل  
مع بعضنا غالين بالعرزال ؟

- لا تخاف، قاتلي بُفنج، لا تخاف،

خيمي بُقفوي، منين رح ننشاف؟

حوك شو في حدنا صفاف

غظلاً علينا، ولقنا الوزال .

- سمعت خشي . - ليك كيف قلبو هرب،

هادا هوا . - لا مش هوا . - خشة قصب

حاجي فزع، جوعان؟ في عنأ عنب

عَ الخدّ زيني وعَ الشفاف شكال . . .

ولتن هلكتا : شفاف ، صدر ، زنود ،

قات : شويّ شويّ عَ الحدود ،

حَبِّي وحيي أكلة العنقود ،

لا في دوالي عندنا ولا سلال .

- مبارح عشيتي سمعت عند العين

كلبي بُعنا من بنات قنين .

- شو سمعت ؟ روج - قال : هَ ألعينين

إللي إلِك بيوقعو الخيال ؟

ولتن لقنوني لا جسم لا روح  
قالو : حينا خيال عميلوح  
وبتتركو؟ - ترکهن عَ فکرن، روح،  
مش عارفین بلیلة العرزال...

# حبيب

هـ ألببل الزلغلك طلوع السحر  
والجباب من قلبو غمار من الثياب ،  
شي ورد ، شي فساطين ع زوق القمر ،  
بأيديك دنجتيه دغشات الغياب .

## سير العطر

وتزلت عن راس الدرّج حافي ،  
ونسمة هوا تعبت بفسطاني ،  
والسوسن الطالّل ع الحفافي  
يضحك ، وخمس ورود خجلاني  
وإيد العطر لعبت هكّ اللّبي  
وما ذريت ، .. مشأها معي نجرفي ،  
كيف شكل إيدو غطت بعبي  
وطارت ، وما قشعرو قطف قطني ا

# ضمخدت ع الكنفى جزتي لعمرا

... وكنت عمبلع ومرشق زهر،

وفراشتين زغار لحقوني،

وصدفي أنا وعمنخ فوق النهر،

تمراً النهر بية عيوني .



ولتن قلوبي بقفوة التلي  
حلوي انا مها كنت سمرا،  
غنت ورود السود بالسلي،  
ضحكت عَ كفتي جرتي الحمرا.

## للرومي السور

يا وردة السودا ، يَستَ الدار ،  
يا اللونها نغص طراحي العرس ،  
طَيرَ وحكي ، وَعِيتَ سَما نَوّار  
وتجمعت بيت شعر الفرس .

ونجمة عَشِيَّةٍ فوقِ بستانك  
تتلجِ خمرٌ ، وتجمدُ النسيمي  
عند الحُصرِ هدلاتِ فسطانك ،  
وتسوحُ نغمي ، وتلتفتُ نغمي .  
يلوحُك ضوءُ القمرِ تلويحٌ ،  
يعشقُ خيالاتو بوهجِ خدك ،  
هَ أَلَيْبِ عَمِينِصَبْكَ مُراجيحِ  
شو بدك من الارض شو بدك ؟

وبلبل فريد الریش والاحان

بتلال يلعب ، يرتقي عَ سهول ،

هاذا العكرأتو ولد نيسان

شافك ، صَفَن ، شو بعد بدو يقول؟!

بيجلم بشي غفوي بفيأتك ،

هَ النَّاسجين الجوّ سرّ وطيب ،

المخلفين الارض بجاتك

تاخذ رغوا من غنجتك وتجيّب ،

مسيح يجيئ من الأمل عشو ،  
بلهتات قلبو مرصعو ، بدموع ،  
يا ريت من شو كك عمل نعشو  
وما شاف هَ أَخِيئط الحلو مقطوع !

# وَمَنْعِيش

انتي وانا عميسا اونا كيف  
منضَلَّ شو نبيجلالنا نغني!  
ما نبيلتقا مرات عنا رغيغ  
ومنعيش بأطيب من اخني!

# قَوْلُ الْقَلْبِ

هَ الْقَلْبِ هَ الْبَتْمَرِ شَقْو رِيَا حَو ،

عَ الشَّاطِئِ الْاَصْفَرِ ،

قَدْفُو الْمَرْجِ وَكَسَّرَ لَوَا حَو ،

وَدَثَرُو مَحْيَرًا

بَيْنُو حَ الْخَلْوَيْنِ ، هَ الْرَّاحُو ،

قَبَلُو ، يَتَحْتَرُ ،

وَيَفُو حَ كُلِّ مَا نَقَضَ جَنَاحُو

بِالْمَسْكَ وَالْمَنْبَرِ .

## هتّي

مبارح كنت مارق بسوق الصيغين ،  
وصدفت يوم عيدك ، شُ بدّي إشتري  
لُزودك ألكدس الورد ، والياسمين ؟  
ما قشمت ولا دملج بجزنة جوهرى .



ما في ولا قوني عتيقا من الذهب ،  
ولا عَقْد من لولو مرصع بالزفير  
لعتقك المشقوع من قلب العنب ،  
المدعوك بالتوسن ، وتفأح الحخير .  
ولا قرمزي حمرا ، ولا دخيرة زهر ،  
مشنشلي بلوان من حب الجمان ،  
لصدرك العميشتق بأغوا العطر ،  
ومتل شي زورق محمل ارجوان .

في عندهن صندل زِكْر من عشقوت ،  
قصفة صبح ، مجدول بخيوط الندي ،  
ومطرز بفيروز أخضر عَ اليقوت ،  
كل غبني وحدّ منها زمردني .  
ييلق لاجريكي الطرايا الحفين ،  
اليشبهو فرخين بيض من الحمام ،  
عميرقصو ببركة نبيد ، مفرفين ،  
يتمروغو بالعطر ، يروو بالحزام .

# لَوَسَّخَلُونِي هَذَا الرَّبِّي

لو ملكتوني هَذَا الرَّبِّي ، شو بزيدها ؟  
ما بيدها بنسرة ضفر من اصبعك ،  
رعميت عيوني وزيت الله بزيدها ،  
شو إلي ربيون . مش عمتشمك ؟

# زغلولتین

زغلولتین بصدرا باقا مفرحین ،

وعنوقهن شی مشققین ، شی مفتحنین ،

تلج نجمی خیمتین ،

قلب وردی اجتن ،

نیاهن بوحدتن ،

نیاهن کیف عایشین ؟

بتمهن زرين من حب الندي ،

شفاف بكر زغار ما مسن حدي ،

بأيش عميتتمو ؟

عَ أيش عميههمو ؟

بيتكركو ، بيتاهلو ،

شو قولكن عاملين ؟

لَ قل خبي بصدرها ييفرفرو ،

ورن غنجن صدي البرود يينفرو ،

بعمرن مَ عرفو سرار ،

ولا لاطفو زوار ،

هي نجمة الغرار

حلت بنوما تنين !

من ضحكة الصبح المندّي مسحتن

ومن رهجة الخد المنور خفقتن،

شمس وعشي تفرعو

ع صدرها وتدلعو،

حمن يضاو يفرعو

من الناس صيبة عين .

# سَلَّةٌ قَنَانِي

إِنْتِي      وَأَنَا      وَحَبِيقَا

وَشِي      سَلَّةٌ      قَنَانِي ،

وَمَنْ      بَعْدَنَا      تَبِيقَا

هَـ      أَلْأَرْضُ      سَكْرَانِي !

## مش فايقا!

هاك الورد منين يوما قطفتيا

وكنتي قبل منها فيا

تلاحين؟

مش فايقا.

وهة الليلة الخضرا الرحتي سهرتيا

وطرتي بجو غنانيا

الخلوين؟

مش فايقا.



ومينو ، قولي ، الكان قاعد مرتكي

ع ركبك عيمشكي

وحارين ؟

مش فايقا .

وكنتي بجرجو هيك ، هيك ملبكي ،

متو حكي ومثك بكي

وخايفين ؟

مش فايقا .

ولتین علق شالك بعمد صنوبرا

زلعظ وكنتي مزنا

بياسمين؟

مش فايقا .

وطل القمر من عب غيمي مكسرا

وغرتو عَ درب المعصرا

حافين؟

مش فايقا .

وجدايك ، يا جدايك المترشقا ،

وبلوزتك المفتقا

لمين ؟

مش فايقا .

ومش فايقا عَ رَكم بوسي مزقزقا

تضوي ، وُعَ ليلة ملتقا

بصنين ؟

مش فايقا .

## عُزْر السُّوسِنِي

يا صاحبي ، ما كان اجمل هَ الَّذِي ،  
لو كنتِ مِنِّي اِنَّتِ عَمْتَصُورًا  
وَتُخْتَصِرُهَا بَعْمَر ، عَمْر السُّوسِنِي ،  
وَكُلَّ شِئْرٍ وَمَجْزُوزٍ وَضَحْكَةٍ مَرًا .

## بَعْدُ وَبِجِي

بعْدُ ، بِجِي ، بعْدُ بِجِي

يَسْأَلُ عَنْ بَلْبَلٍ حَزِينٍ ؟

عَنْ زَنْبَقًا ، وَبَنْفَسَجِي ،

عَنْ مَرْدِ كَوْشٍ وَيَاسْمِينٍ ؟

عَنْهَا ، عَنْ بُرَيْقِ النَّيِّدِ ،

وَهَاكَ الْقَمَرَ لَيْلَةَ الْعِيدِ ،

عَنْ وَرْدِ أَحْمَرَ عَ الدَّرُوبِ ؟

مَا ضَلَّ شَيْءٌ يُخَبِّرُ عَنْ غَيْرِ الطَّيْرِبِ !

# يكن وقع ربح

شوفي الفجر كيف شققت الرادي

وتنفّض العصفور،

شوفي قيصو خيطها رُمادي

ومغطّسا بالتور .

يختي ، تعي تنطلّ عَ الوردات

نخوشلنا حرجين

نزوج قبل ما يباشو الشوبات

يلا تنين تنين ،

نقعد بعيد بغية الحوريات

ونشملن عَ العين

ونسج من غيوم السحر شالات

وَمِنَ الورد عَقدين .

يحتي من مَبارح مَ عدُ فيي

عَيدتي حافي

وتهبجو من الشوك اجرَبي

وطلوع الحفافي

وتجروحو من الشرب عيني

وتلدعو كتافي

ووردتين تقامزو عليي :

ما أطيب قطافي ا

ونخلات مار عبدا إجو لبي،

شوفي على شفافي ؟ ا



من هيك تصار القمر يكرج  
خلفي راء ألوديان ،  
ويشلع عليي سوسن ويتلج  
زجس على ريحان  
من دمالجي يمكن وقع دملج  
تتلفت الرمان .

قالت ، وغفيت ع حرج اختا  
ويجعلها وياخذ الرادي برود ،  
يمكن يكون اجمل تحت تحتنا  
ه العمتطف بالمنام ورود .

# الحبّ زوّادي

... وتهيكي أنا وجلنار كناً ننام ،

بعب هـ أروادي ،

العشب فرشي ، والغطيطة حرام ،

والحب زوّادي .

# صل

ه ألببل اللي مثل شما عميدوب،

هَ ألمشيل من الدّني وقلبا الضجر،

هَ المنشح عَ جرين وردني عمتوب،

بیتسوا صلاتو كل شي صلاً البشر .

# ضَيْكُ إِلَيَّ

ضَيْكُ إِلَيَّ : الفجر ددر زنبقو خيمي

عَ فَيَّةُ جِينِكْ .

وانتي الدّني : الليل فقش ميسو نجمي

عَ فَنَحَّةُ عِيُونِكْ ،

يا خجلة الشعر، غمس ريشته بالتجم

تَيوصف      وروذك ،

ومن غطسة الشمس يماً من غبرة الحلم

بتلوني      خدودك .

هي تلجة النور عمتشع على شفافك

نغمات      سكراني ،

جيتي على الكون مقفر ، والقفر شافك

جنات      وغناني .

## قَيْرُ الْفَزْدِ

بعدها الحلوي بتمرق بالخيال  
عَ دروبك الخضراء، وبتلوح بشال  
مغزول من غيم الخريف الليلكي؟

وبعدو القمر عميطلع يزبح قبال

شباكها ويفرط الزنبق سلال

عَ سريرها ملبك وهي ملبكي؟

وبعدو نيجي هَ أطيّر من صوب الشمال

ياخذ جمال الشوق ويرجع جمال،

ويتشف جناحو عَ بابا ويشتكبي؟

يا ارضها الحلوي ويا هاك التلال ،  
يا مقدسي ، يا خازني اغوا الجمال ،  
يلّي نبيك لبنان كلو ممسكي ،  
يا سكرتي بالحلم ، يا جرحه البال ،  
يا سقي ريف العين ، يا دير الغزال ،  
شوبني مَ بظير فيكي وشوبكي ١٩



# عناك

هونيك عنأ كوخ ع رموش السحر ،

داير مدارو طيور بتغنى ،

حجارتو من ورد ، سقفو من قر ،

بتخمنو شالق من الجنى ،

هونيك عمتندهلنا كومة طيور

مطرح م طالع ه ألغم ازرق،

بين الورق والفيع ع حفا في النهور،

تحت الندي نفتح مع الزنبق .

وبكرا نبيقا الصبح ، يا حلوي ، نزيغ

عن حبنا ، والتنع البري

ملوا الدني، ويشيل من عبو الربيع،

يكش معي به العطر ويدري .

# كان بضحككلا النجم

هَ أَخِيمة الّلي كان يضحكلا النجم ،

هَ ألكان حيطا مرتكي عَ صنوبرا ،

هَ ألكانت الحلوي نُزورا بالعم ،

ولالصح تبقا غامرتني وغامرا ،

وبطاقتا المنهر كان يلعب قرء ،  
وتحرقو مرآ ومرآ يجرفنا ،  
ومرات اوعا قبلها شقة سحر ،  
فيق الورد وإغزو تيفيقا .

وهاك السنوالي الكانت تطعا  
جلنار من خبزاتنا فتافيت ،  
تدقيا بعبا ، تجبا ، تزقما ،  
تصليها لين رنجي تفتيت .

يا ربّتها ربّيت هكّ الحيمي وبقو  
رفقاتنا وردات وعصافير ،  
هودي يفتنولا وهودي يُزقزقو ،  
ويطلع عّ بال الكون من بوسي يطير

# قِلَّةُ الْحَارِ

قَلَا هَ أَجَارَا

الْمَسْأَلِكِ عَنِّي ،

قَلَا : بِالْخَسَارَا

بَاعَا هَ أَجْنِي

وَوَاقِفِ عَمِيغَنِي

عَ بَابِ خَمَارَا !

## المنقبس جـي

تخمين راحت حلوة الحلوين ا

وما ضل في غير الحب ا

تخمين هـ ألقاب نطبق

وما عاد يرجعلي بعد ، تخمين ؟

ولا عاد رح تترجح بعب الضباب

بالتوتة الحمراء ،

وتزلفط السمرا ،

تسابق هـ الحساسين دغشات الغياب ا

ولا عاد رح تلعب على التلي

وتحيك عقود الزهر

ولا يداعبا هاك النهر

وتداعبو ، ويحطفلها السلي ؟ !

وغاب القمر من فوق بيتن ؟ غاب ؟

وما عاد رح يبطل ؟

وسودّ لون الفل ،

والزنبقا البيضا العند الباب ؟ !



بأخر هك البستان في مَمْرُق

بيجيب عَ بالي البكي ،

مطرح مَ كانت ترتكي ،

مفرخ على شفافو العشب أزرق !

وطالع عريشي معشّي فيها الطيور ،

مطرح مَ هرت دمعنا ،

وبعدنُ بيحكوا حكايتنا

هونيك ركم بنفسجي خلف الصخور !

## رَح تَدْبِلُ

هَ الْرُودَةُ الْحَمْرَا الْعَمْتَضُوتِي فَيَا  
وَعَزَّ الرَّبِيعُ يَقُولُ : يَا نِيَّالَهَا ،  
يَا حَلُوتِي بَكْرَا إِذَا مَا قُطِفْتِيَا  
رَح تَدْبِلُ وَتَصْفَرُّ مِنْهَا حَلَّالَهَا !

# اخْتِنُ لِلْخَسَائِنِ

فَلْتِ مَعْنِ، تَحْمِينِ،

اخْتِنِ لِلْخَسَائِنِ؟

وَمَا عَادَ لَكُنَّ الْبَرْدِ

لُونُو، وَلِيَّاسْمِينِ.

وَلَا الْوَرْدِ هَاكَ الْوَرْدِ

مَفْتَحِ بِالْبَسَاتِينِ،

وَلَا الْبَلْبَلِ بَعْبِ الْجُرْدِ

وَلَا الْقَمْرِ بَصْتِينِ!

فَلْتِ مَعْنِ تَحْمِينِ،

اخْتِنِ لِلْخَسَائِنِ!

# وروي نمتسني

هَ السوسني بَعزَ الربيع نمتسني ا  
وما عَدَّ حَدا يسأل حَدا عَنَّا ا  
آحات صدري عمتخبَر شو بني ،  
دشترت عَ ذروب الهوا لَنا .

عتمرتي ع حقة الشباك

ه ألتاركو صبح ومسا مفتوح،

وآو! ما عد تسألي: شو باك؟

ولا عاد ياخذنا القمر وزوح

نقطف هك اللزات

وفية هك الليلات؟

ولو ما عدلي ولا صاحب وني؟  
وإنتي ، ي كل العمر ، عمتجفجفي  
مني؟ وقلبي هيك فتي بيشتني؟  
يا ليالينا الخضرا ، رفرفي ا  
تألحك لها ع دري وختني!  
مدري ش فتي هيك شي عمنطفي ا  
مثل وردني بايد طفل منتهي ا

عَ خصر تلي بالتلوج مزنا  
عرزال علقتو بعنق صنوبرا،  
قرنة حبايب ليايالي معترا  
كيف رضر ضلوعا الهوا؟ كيف كتر ا؟  
هَ الرأبي الكانت عشبي تنظرا،  
وهَ الأنسة الحلوي الكانت تفمرا  
قولك فنو وما عد حدا عميزكرا؟  
جراس ضيعتنا العتيقا عمتيب،  
وبعتنا غصأت مقهورا  
مثل البصري والبصدر العندليب،  
شي سامعا عمينطفي نورا!

## هَيدي دني!

هَيدي دني، يا حلوتي، هَيدي دني؟!  
مش هيڪ ڪنآ نڃلها نڃنا وزغار!  
يا حلوتي، مش هيڪ ڪنا نڃلها!  
شو بيمنعو هَ اَلڪون او زَقف وطار  
بشي حلم عَ جَوانح فراشي ملوئي،  
طلوع الفجر، وتدحرجت فينا السما!



# نَدِيمٌ

هَ أَوْلَدَنِي عَمَسَأَلِك : قَوْلِكَ بَعُود ؟

وَبِتَرْجَمِي تَبْنِي قَصُور ، وَتَحْلِي ...

وَبِكْرَا عَلِي لَأَمْن مَتَا هَرَوُ الْوَرُود

شُو بَدَاكَ تُعْضِي صَبِيح وَتَنْدَمِي ١٩

# ليلة شتية

سكّري الشبّاك لا تخلي حدا

يخدش غنائينا،

ورن نفختي النار، دخلك عَ هدا،

هوردي دوالينا

الجو عميلح تلج والعاصفي

هدت قراني الكوخ،

وسراجنا مجروح : روح منتقي

وشعات عمببوخ،

والسطح عميدلف ومن زهم البرد

عمرجف الطاقا ،

مرهني ورجي ع صدرك ، ع الورد

عَ عطر شي باقا

وغزلي ع المنزل دموعي الحمر

وغيوم أفكاري

وقتي عليّ هـ أجداديل الشقر ،

يا نجوم اشعاري

## وَمَا لِحُبِّهِ جَلَنَارُ

يا صبح روج ، طوّت ليلك ،

خلّيت قلبي نار

بلكي بتجي اختك تفنيك

بلكي بتجي جلنار .

صرخات عمتوج بالوادي

معترق عليها ضباب ،

لبعيد عمتروح وتنادي ،

بيظهر حبيرو غاب .

خَلِيكَ ، يَا وادي ، ليل ونهار

بروح نَدَائِي

ضلوعي لضربة ريشتك وتار ،

صدري الطري ربّائي .

راعي بكبي ومنجيراتو متلو

بكيّت تيتسلاً

شو قولكن عَ السكت قاتلو ؟

شو قولكن قلاً ۱۹

خَلِيكَ حَدِي تِيرُوقَ الْجُوقِ

وَرَنْدَحَ وَسَمْعَنِي،

وَلْتَنَ بِيَطْلَعْلُوكَ ، يَا رَاعِي الضُّو

بِتَبَقَا تَوَدَّعَنِي .

وَقَفْتُ قَلْبِي عَ الدَّرْبِ نَاطُورِ،

تَفَاقَ الفَ نَهَارِ

وَوَعَيْتَ الشَّمْسِ وَزَقَزَقَ العَصْفُورِ

وَمَا إِجْتِ جَلَنَارِ

## میں راح بیکی علی؟

• میں راح بیکی علی وع الزهور؟

• ومنکن ، ی الحاسین راح بیجود میں ؟

بس الثلوج تحرقش وتمحي سطور

فوق قبری ، وبس بیکی الیاسمین !

يكن بْبكي بنت جارتنا سُسان  
هَ أَلكنت رافقها عَ درب المدرسي ،  
ويمكن بعد في عندها هالك الحنان  
بقلبها ويمكن يُكون قلبا نسي .

يا وردة الشكيتها بُشباك دار  
وصبح ومسا من دمع عيني اسقيا  
ولتمن إجت تخضر وتفتح زرار  
بلش الريح يمشقا ويدريا !



## عزى

لئن يا دنيا بتلجى ،  
وتعصف بهاك الريح ريح ،  
والصبح خايف ، يلتجى  
إيكمي ، ويتهدم الطيب ،  
ويبطل البلبل يصيح ،  
بكون يا دنيا بقلبي الجريح ،  
وبقلب كل بنفسجي  
بصينين ، عمدفن حبيب .

١٩٤٧ - ١٩٤٢

## فهرس

الصفحة		الصفحة	
٢٩	مبن قال حَبِينو !?	١	جنار
٣٠	خليك عتّا به الجرد	٢	معصرا
٣٢	حد السرير	٣	نعمشي
٣٥	غرام الورد	٤	الي وحدي
٣٦	والقمر وهبي	٦	معنا الحياة
٣٧	تم	٧	تشكيلة فسطان
٣٨	حلاوة الحلوين	٨	بنت جارتنا
٤١	غيري	١١	صبيع
٤٢	رح حلفك بالنفنن باعصفور	١٢	فرشي مفشكلي
٤٧	لطوي	١٤	صدر
٤٨	وهبي وعمترنس	١٥	صندل
٤٩	عبونا الخضر	١٦	وخدي ضلوعي سرير
٥٢	تمسال	١٨	تزكار
٥٣	جبة قر	١٩	شاح زنيق
٥٤	نقوط	٢٠	ع طريق العين
٥٨	شيطني	٢٥	يا ضحكة الموسني
٥٩	سكرت	٢٦	لمن وعيت
٦٠	بلبل	٢٨	يا مصور


الصفحة		الصفحة	
١٠٠	مش فايقا	٦٢	قرص عسل
١٠٤	عمر السوسني	٦٤	خبز
١٠٥	بعدو ييجي	٦٥	لا هو ولا خيالو
١٠٦	يَمَكْنِ وَقَع دَمَلِج	٦٦	بوسي
١١٠	الحب زوادي	٦٨	تاج
١١١	صلا	٦٩	مدري وين هدا!
١١٢	ضلك إلي	٧٠	قنديل أحمر
١١٤	دير الغزال	٧٢	اوضتا
١١٧	عنا كوخ	٧٥	قلي الورد
١١٩	كان يضحكلا النجم	٧٦	علواه
١٢٢	قلا لهّ الجارا	٧٨	ليلة العرزال
١٢٣	كم بنفسجي	٨٢	حب
١٢٦	رح تدبل	٨٣	ايد العطر
١٢٧	اختن للحاسين		ضحكت ع كتنفي
١٢٨	وردي متفي	٨٤	جرني الحمرا
١٣٢	هيدي دني	٨٦	الوردي السودا
١٣٣	ندم	٩٠	ومنعش
١٣٤	ليلة شتي	٩١	ه القلب
١٣٦	وما لجت جلتار	٩٢	هدي
١٣٩	مين رح ييكي علي	٩٥	لو ملكوني هّ الدني
١٤١	حزن	٩٦	زغولتين
		٩٩	سلة قناني


نطبع بلبنان


بـ ٢٥ كانون الاول

سنت ١٩٥١

5576








T


back

\*PB-35271-SE  
5-08T  
CC

B









**Elmer Holmes  
Bobst Library**

**New York  
University**

NYU - BOBST



31142 01257 2684

PJ7864.R3 J85 1951

Julianar /

